

UGOVOR O NABAVCI ROBE
KOMPJUTERSKA OPREMA po Erasmus + Projektu Trans2Work
za LOT 3.-UNIVERZITET U BANJOJ LUCI

Zaključen između Ugovornih strana:

1. UNIVERZITET U BANJOJ LUCI, Bulevar vojvode Petra Bojovića 1A, 78000 Banja Luka, koga zastupa rektor prof. dr. Radoslav Gajanin (u daljem tekstu: Kupac)

ID broj: 4401017720006

i

2. ASPO RAIL d. o. o. Alipašina 53, 71000 Sarajevo, koga zastupa direktor Azra Pilavdžić (u daljem tekstu: Prodavac)

ID broj: 4202124540000

Broj transakcijskog računa: 1401021120034540 otvoren kod SBERBANK BH D.D. Sarajevo

Ovaj Ugovor se zaključuje na osnovu Odluke broj: 0101-8022-8-LOT.3./18 od 09. 03. 2018. godine o izboru najpovoljnijeg ponuđača i dodjeli ugovora, koja je donesena nakon provedene zajedničke javne nabavke putem OTVORENOG POSTUPKA (Obavještenje o nabavci broj: 999-1-1-9-3-2/18 objavljeno na Portalu javnih nabavki BiH dana 22. 01. 2018. godine), koji je proveo Univerzitet u Sarajevu, kao ugovorni organ koji zastupa Univerzitet u Istočnom Sarajevu i Univerzitet u Banjoj Luci prema članu 4. Sporazuma o provođenju postupka zajedničke javne nabavke.

I. PREDMET UGOVORA

Član 1.

Predmet ovog Ugovora je nabavka Robe-**KOMPJUTERSKA OPREMA** (u daljnjem tekstu: roba) za potrebe Univerziteta u Banjoj Luci, kao partnera u Erasmus + Projektu "School-to-Work Transition for Higher education students with disabilities in Serbia, Bosnia & Herzegovina and Montenegro (Trans2Work)" ("Tranzicija studenata s invaliditetom od visokog obrazovanja do tržišta rada u Srbiji, Bosni i Hercegovini i Crnoj Gori"), u svemu prema tehničkoj specifikaciji predmeta ugovora datoj u Tenderskoj dokumentaciji broj: 0101-8022-5/17 od 22. 01. 2018. godine (u daljem tekstu: Tenderska dokumentacija) i ponudi Prodavca broj: 027/18 od 13. 02. 2018. godine (u daljnjem tekstu: Ponuda Prodavca), koje čine sastavni dio ovog Ugovora.

II. CIJENA

Član 2.

(1) Ukupna cijena predmetne robe iz člana 1. ovog Ugovora iznosi:

44.115,00 KM bez PDV-a

(slovima: četrdesetčetirihiljadejedenastotinapetnaest KM i 00/100),

(2) Cijena robe obuhvata vrijednost robe i sve troškove transporta, utovara, istovara, carine, taksi i ostale troškove do isporuke robe na adresu krajnjeg korisnika (paritet: DDP krajnji korisnik na naznačenoj destinaciji).

Član 3.

Ugovorena cijena iz člana 2. ovog Ugovora je fiksna i nepromjenjiva tokom perioda izvršenja ovog Ugovora i neće podlijegati promjenama ni iz kakvih razloga.

III. NAČIN PLAĆANJA

Član 4.

- (1) Ugovorne strane su saglasne da će Kupac izvršiti plaćanje preuzete robe u roku od 30 (trideset) dana od dana prijema potpisane i ovjerene fakture od strane Prodavca.
- (2) Plaćanje se vrši na transakcijski račun Prodavca, odnosno podugovarača (ako Prodavac ima namjeru da dio ugovora podugovaranjem prenese na podugovarača i ako je predviđeno direktno plaćanje podugovaraču).
- (3) Prodavac je dužan da uz fakturu dostavi otpremnicu i potpisan „Zapisnik o kvantitativnom i kvalitativnom prijemu robe“ i Garanciju za uredno izvršenje ugovora.
- (4) Prodavac dostavlja fakturu sa prapatnom dokumentacijom na Pisarnicu Univerziteta u Banjoj Luci, Bulevar vojvode Petra Bojovića 1A, 78000 Banja Luka.
- (5) Univerzitet u Sarajevu se obavezuje da Prodavcu, prije izdavanja originalne fakture, dostavi ovjerenu kopiju Potvrde za oslobađanje od plaćanja uvozne carine i PDV-a pri uvozu robe i za oslobađanje od plaćanja PDV-a i drugih indirektnih poreza pri nabavci dobara i usluga u Bosni i Hercegovini u okviru projekta koji se finansira iz IPA II Fonda u skladu sa Okvirnim sporazumom IPA II („Službeni glasnik BiH-Međunarodni ugovori“, broj 6/15).
- (6) Prodavac se obavezuje izdati originalnu fakturu bez izračunate vrijednosti iznosa PDV-a, koja sadrži klauzulu: „Oslobođeno plaćanja PDV-a-Potvrda IPA II DEU Kontrolni broj: EU/2016/D/2514583 od 31. 10. 2016. godine, kao i NAPOMENU:
"U okviru Projekta Erasmus + “School-to-Work Transition for Higher education students with disabilities in Serbia, Bosnia & Herzegovina and Montenegro (Trans2Work)” (“Tranzicija studenata s invaliditetom od visokog obrazovanja do tržišta rada u Srbiji, Bosni i Hercegovini i Crnoj Gori”) broj: 2015-3720/001-001 od 15. 12. 2015. godine”.
- (7) Na fakturi u odjeljku: Iznos PDV-a, Prodavac se obavezuje unijeti iznos 0,00 KM.

IV. MJESTO ISPORUKE

Član 5.

Mjesto isporuke predmetne robe iz člana 1. ovog Ugovora je:

-Univerzitet u Banjoj Luci, Univerzitetski centar za pomoć studentima sa posebnim potrebama, Bulevar vojvode Petra Bojovića 1A, 78000 Banja Luka.

V. ROK ISPORUKE

Član 6.

- (1) Prodavac se obavezuje da će isporuku predmetne robe izvršiti jednokratno i to u roku od 45 (slovima: četrdesetpet) kalendarskih dana od dana potpisivanja ovog Ugovora.
- (2) Ukoliko se pojave nepredviđene okolnosti i slučajevi koji onemogućavaju isporuku predmetne robe u roku iz stava (1) ovog člana, Prodavac je dužan da pismenim putem obavijesti Kupca odmah, a najkasnije 48 (četrdesetosam) sati nakon pojave nepredviđenih okolnosti, kako bi Kupac cijeneći nastale okolnosti, mogao da razmatra eventualnu mogućnost produženja ugovorenog roka.

VI. NAČIN ISPORUKE/PRIJEMA ROBE

Član 7.

- (1) Prodavac je dužan da isporuči predmetnu robu, koja zadovoljava sve tražene uslove u pogledu tehničke specifikacije i kvaliteta, koja je nova, nekorištena i u originalnom pakovanju.
- (2) Isporuka predmetne robe podrazumijeva dopremanje i istovar robe u mjestu isporuke robe.
- (3) Prodavac se obavezuje da prilikom isporuke predmetne robe dostavi Kupcu dokumentaciju sa karakteristikama predmetne robe, garantni list i spisak ovlaštenih servisa.

Član 8.

(1) Prilikom isporuke predmetne robe, uobičajeni pregled i kontrolu isporučene robe (kvalitet i kvantitet) kao i dokumentacije predate uz robu, izvršiće predstavnik/ci Kupca.

(2) Ukoliko se konstatuje da isporučena roba odgovara zahtjevima navedenim u Tenderskoj dokumentaciji i Ponudi Prodavca, sačinjava se „Zapisnik o kvantitativnom i kvalitativnom prijemu robe“, koji obostrano potpisuju predstavnici Prodavca i Kupca.

(3) Ukoliko predstavnik/ci Kupca, prilikom isporuke robe konstatuje/u da isporučena roba ne odgovara zahtjevima iz Tenderske dokumentacije (tražene tehničke karakteristike i kvantitet) i Ponudi Prodavca ili ustanovi/e bilo kakav nedostatak na isporučenoj robi (neispravna, oštećena roba i sl.), o tome sačinjavaju zapisnik o reklamaciji i dostavljaju ga Prodavcu, najkasnije u roku od 3 (tri) radna dana od dana isporuke, a Prodavac se obavezuje da Kupcu o svom trošku isporuči drugu robu istih ili boljih karakteristika bez nedostatka ili da utvrđene nedostatke u kvalitetu i/ili kvantitetu otkloni najkasnije u roku od 7 (sedam) radnih dana od dana prijema zapisnika o reklamaciji.

(4) Ukoliko Prodavac u ostavljenom roku ne isporuči drugu robu, odnosno ne otkloni nedostatke, Kupac ima pravo da raskine ovaj Ugovor, o čemu pismeno obavještava Prodavca.

Član 9.

Ako se nakon primopredaje predmetne robe pokaže neki nedostatak na robi koji se nije mogao otkriti uobičajenim pregledom, Kupac je dužan da o tom nedostatku pisanim putem obavijesti Prodavca, odmah, odnosno u roku od 24 (dvadesetčetiri) sata od dana otkrivanja nedostatka.

VII. UGOVORNA KAZNA

Član 10.

(1) Ukoliko Prodavac svojom krivicom ne isporuči robu u roku utvrđenom u člana 6. ovog Ugovora, Prodavac se obavezuje da Kupcu plati ugovornu kaznu u visini od 0,2 % od ukupne ugovorene cijene robe, za svaki dan kašnjenja, a najviše 5 % (pet posto) od ukupno ugovorene cijene robe.

(2) Prodavac je dužan platiti ugovornu kaznu u roku od 7 (sedam) dana od dana prijema zahtjeva od strane Kupca.

(3) Prodavac neće platiti ugovornu kaznu ako dokaže da nije kriv za kašnjenje u isporuci robe. Prodavac će platiti samo dio ugovorne kazne koji je srazmjern njegovoj krivici, ako dokaže da je samo djelimično kriv za kašnjenje.

(4) Kupac neće moći naplatiti ugovornu kaznu ukoliko je do kašnjenja došlo usljed više sile.

(5) Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje Prodavac nije mogao uticati, niti ih predvidjeti.

(6) Ukoliko je zbog kašnjenja Prodavca u isporuci robe Kupac pretrpio štetu koja je veća od iznosa ugovorne kazne, Kupac može, umjesto ugovorne kazne od Prodavca zahtijevati naknadu štete, odnosno pored ugovorne kazne može da zahtijeva i razliku do punog iznosa pretrpljene štete.

(7) Ugovorna kazna iz stava 1. ovog člana počinje da se računa od prvog narednog dana od dana isteka ugovorenog roka i računa se do dana ispunjenja ugovorene obaveze, a najduže do dana u kome vrijednost obračunate ugovorne kazne dostigne 5 % (pet posto) od ukupno ugovorene cijene robe u KM bez PDV-a.

(8) Pravo Kupca na naplatu ugovorne kazne ne utiče na pravo Kupca da zahtijeva naknadu štete.

VIII. OBAVEZE KUPCA

Član 11.

(1) Kupac se obavezuje da:

- Prodavcu odredi termin za isporuku predmetne robe;
- izvrši pregled i preuzimanje isporučene robe, bez nedostataka (predstavnik/ci Kupca);
- vrati Prodavcu Garanciju za uredno izvršenje ugovora na način utvrđen Ugovorom i Tenderskom dokumentacijom;
- da plati primljenu fakturu Prodavca, u skladu sa članom 4. ovog Ugovora.

(2) Forma garancije za uredno izvršenje ugovora je sastavni dio ovog Ugovora.

IX. OBAVEZE PRODAVCA

Član 12.

Prodavac se obavezuje da:

- isporuči predmetnu robu u svemu prema zahtjevima iz Tenderske dokumentacije i Ponudi Prodavca;
- izvrši sve radnje neophodne da roba bude spremna za prijem kao što su: pakovanje, otprema, tovar, prevoz i osiguranje, obavljanje svih neophodnih administrativnih i komercijalnih formalnosti, te prevoz i istovar u mjestu isporuke robe i sve druge usluge u smislu pripreme robe za prijem;
- snosi sve rizike do konačnog prijema robe od strane krajnjeg korisnika;
- izvrši isporuku robe na mjestu i u roku utvrđenom ovim Ugovorom;
- kvalitetno i uredno izvrši ovaj Ugovor u skladu sa nalogima Kupca, važećim propisima, pravilima i standardima struke za ovu vrstu posla, štiti prava i interese Kupca, te ga obavještava o toku realizacije ovog Ugovora;
- riješi eventualne reklamacije Kupca potpisane od strane predstavnika Kupca;
- ispostavi fakturu za isporučenu robu i Garanciju za uredno izvršenje ugovora.

X. GARANTNI ROK

Član 13.

- (1) Prodavac dostavlja garanciju Kupcu za svu isporučenu robu kojom garantira da je predmetna roba iz člana 1. ovog Ugovora tehnički ispravna.
- (2) Garantni rok za svu isporučenu robu traje minimalni vremenski period koji je zahtijevan u Tenderskoj dokumentaciji u Obrascu za cijenu ponude i teče od dana izdavanja fakture, odnosno od dana obostranog potpisivanja zapisnika o kvantitativnom i kvalitativnom prijemu predmetne robe.

XI. GARANCIJA ZA UREDNO IZVRŠENJE UGOVORA

Član 14.

- (1) Prodavac je obavezan da preda Kupcu original neoštećenu i neprobušenu Garanciju za uredno izvršenje ugovora u vidu neopozive Bezuslovne bankarske garancije, plative na prvi poziv na iznos od 10 % od vrijednosti ovog Ugovora u KM bez PDV-a, i to prije podnošenja zahtjeva za naplatu sredstava, odnosno sa fakturom, čiji je rok važenja 30 dana po isporuci robe, odnosno do ispunjenja ugovorenih obaveza Prodavca.
- (2) Potpisom ovog Ugovora Prodavac daje svoju bezuslovnu saglasnost Kupcu da može realizovati Bezuslovnu bankarsku garanciju iz stava 1. ovog člana u slučaju da Prodavac ne izvrši svoje obaveze iz ovog Ugovora, koje se odnose na ugovoreni rok isporuke, kvantitet i kvalitet isporučene robe, kao i u slučaju da ne izvrši druge ugovorene obaveze u skladu sa ovim Ugovorom.
- (3) Bezuslovna bankarska garancija iz stava 1. ovog člana će se čuvati kod Kupca sve do ispunjenja ugovorenih obaveza Prodavca, a ako ne nastupi nijedan od slučajeva koji bi zahtijevao realizaciju garancije za uredno izvršenje ovog Ugovora, ista se vraća Prodavcu.
- (4) U slučaju da Prodavac jednostrano raskine ovaj Ugovor, Kupac ima pravo da realizuje Bezuslovnu bankarsku garanciju iz stava 1. ovog člana, kao i da zahtijeva naknadu troškova nastalih provođenjem novog postupka javne nabavke.

(5) U slučaju da Bezuslovna bankarska garancija iz stava 1. ovog člana nije dostavljena ili je oštećena (bušenjem i sl.) ili nije dostavljena na način utvrđen Tenderskom dokumentacijom i u roku koji je odredio Kupac, ovaj Ugovor će se smatrati apsolutno ništavim.

XII. VIŠA SILA

Član 15.

(1) Nastupanje više sile oslobađa od odgovornosti Ugovorne strane za kašnjenje u izvršenju ugovorenih obaveza.

(2) O datumu nastupanja, trajanju i prestanku više sile, svaka Ugovorna strana je dužna da bez odlaganja obavijesti pismenim putem drugu Ugovornu stranu.

(3) Kao slučajevi više sile smatraju se prirodne katastrofe, požar, poplava, eksplozija, transportne nesreće, odluke organa vlasti, štrajk i drugi slučajevi koji se u momentu zaključenja ovog Ugovora nisu mogli predvidjeti i nisu prouzrokovani činjenjem, odnosno nečinjenjem nijedne od Ugovornih strana.

XIII. ROK VAŽENJA UGOVORA

Član 16.

Ovaj Ugovor se zaključuje na određeno vrijeme i važi od dana potpisivanja do isteka garantnog roka.

XIV. RASKID UGOVORA

Član 17.

(1) Svaka Ugovorna strana koja je svoje ugovorene obaveze u potpunosti i blagovremeno izvršila, a nezadovoljna je ispunjenjem ugovorenih obaveza druge Ugovorne strane, može zahtijevati raskid ugovora, ukoliko su ispunjeni slijedeći uslovi:

- a) da je prethodno, u pismenoj formi obavijestila drugu Ugovornu stranu o elementima realizacije ugovora za koje smatra da su neusaglašeni i da predstavljaju osnov za raskid ugovora;
- b) da je drugoj Ugovornoj strani ostavila primjeren rok za otklanjanje neusaglašenosti;
- c) da druga Ugovorna strana nije otklonila neusaglašenosti ili ih nije otklonila na zadovoljavajući način.

(2) Ugovor može biti jednostrano raskinut dostavom pismene obavijesti drugoj Ugovornoj strani 15 (petnaest) dana prije raskida.

(3) Obavijest mora sadržavati osnov raskida ugovora.

(4) U slučaju raskida ugovora, Ugovorne strane su saglasne da će u svemu izvršiti međusobne uzajamne obaveze nastale do tog roka, u skladu sa realizacijom ovog Ugovora.

XV. ZAVRŠNE ODREDBE

Član 18.

U skladu sa članom 72. stav (6) Zakona o javnim nabavkama BiH, Prodavac nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala komisija za nabavke, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

Član 19.

Ugovorne strane su saglasne da se na sve međusobne odnose koji nisu definisani ovim Ugovorom, neposredno primjenjuju odredbe Zakona o obligacionim odnosima.

Član 20.

Ugovorne strane su saglasne da sve eventualne sporove rješavaju sporazumno, a u slučaju da sporazum nije moguć, ugovoraju nadležnost stvarno nadležnog suda u Banjoj Luci.

Član 21.

Ovaj Ugovor stupa na snagu kada ga potpišu i ovjere ovlašteni predstavnici Ugovornih strana. Datum kasnijeg potpisivanja ovog Ugovora, smatra sa datumom stupanja na snagu ovog Ugovora.

Član 22.

Ovaj Ugovor je sačinjen u 4 (četiri) istovjetna primjerka, od kojih po 2 (dva) primjerka zadržava svaka Ugovorna strana.

ZA KUPCA
Rektor

Prof. dr. Radoslav Gajarin


ZA PRODAVCA
Direktor

Azra Pilavdžić


Broj: 0101-8022-10-LOT.3./18
Datum, 18.04.2018.

Broj: 167/18
Datum, 10.04.2018